



Prezidente Autoridade ZEESM Asina Plaka Inagurasaun Projetu Programa PNDS

Prezidente Autoidade RAEOA e ZEESM-TL Inagura Projetu Programa PNDS

Prezidente Autoridade Região Administrativa Especial Oé-cusse Ambeno (RAEOA) e Zonas Especiais de Economia Social de Mercado (ZEESM) simbolikamente inagura projetu programa PNDS 19 iha Postu Administrativu Pante-Macassar-Oe-cusse (23 Abril 2015)

Iha Oe-cusse, Presidente Autoridade RAEOA e ZEESM, Dr. Mari Alkatiri, disloka ba Suku Bobocasse hodi inagura adisional sala rua ba eskola Primaria Fatu-Bijae, simbolikamente representa projetu programa PNDS sira seluk ne'ebé implementa iha Pantemacassar-Oecusse.

Iha inagurasaun ne'e Presidente Autoridade apresia tebes programa Governu ida ne'e tanba iha implementasaun programa ida ne'e jere rasik husi comunidade Suku no Aldeia.

"Uluk hau rona deit, agora hau iha oportunidade atu hare ho matan, no hatudu katak comunidade bele halo rasik, ne'e importante", hato'o husi Dr. Mari Alkatiri, Presidente Autoridade RAEOA e ZEESM.

"Uluk iha 2004 ami uja deit uma tali, iha 2008 ami hari Sala 3, foin dau-daun 2014 ho programa PNDS ami aumenta tan sala rua, ida ne'e ami sente kontente, tanba bele akumulá ona total eskola oan hamutuk 194", hato'o husi Marcus Nufa, Kordenadór Eskola.

Bainhira viajen ba suku Bobocasse, Presidente Região Administrativa Especial Oé-cusse-Ambeno, ho nia komitiva, hare mós konstrusaun estrada, ponte no tanke bee mós ne'ebé comunidade implementa liu husi programa PNDS.

Iha inagurasaun projetu programa PNDS ne'e partisipa mos Sra. Ms Neryl Lewis, hanesan Counsellor for Rural Development, husi Governu Australia.



PNDS

Hamutuk Ita
Dezenvolve nasaun

Abril 2015

Progresu

Pilotu: Remata ona

Faze 1: Etapa 11 / 12

- Kompleta konstrusaun, no entrega ba ekipa operasaun no manutensaun
- Enkontru Akontabilidade Final

Faze 2: Etapa 10 / 11

- Sertifika, no Halo enkontru akontabilidade final
- Kompleta kontrusaun

Faze 3: Etapa 6/7

- Diskrisaun Proposta Projetu
- Perpara Plano Detailhu


Faze 1 Siklu 2 : Etapa 4/5

- Formasaun Ba EJS
- Determina Prioridade




Prioridade sira Iha Nasional

Faze 1



Faze 2



- Saude
- Bee Mos no Saneamentu
- Edukasaun, Cultura e Desportu
- Agricultura, Siguranca Alimentar no Buka Moris
- Dalan, Ponte no Kontrolo de Cheias
- Solidariedade Sosial
- Sektor Seluk



Atu hetan informasaun tan:
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl

Prezidente Autoridade RAEOA e ZEESM-TL Apresia ho Partisipasaun Komunitade iha Programa PNDS

“Ha’u hare deit eskola ne’e iha foho tutun, ha’u husu ba ha’u nia an rasik, rai henek ho fatuk mai husi ne’ebé ? bee mai husi ne’ebé ? Se la iha partisipasaun komunitade ninia, susar tebes ho subsidiu oituan, bele halo servisu hanesan ita bo’ot sira halo ne’e”. Apresiasaun ida ne’e hato’o husi Dr. Mari Alkatiri, Prezidente Autoridade Região Administrativa Especial Oé-cusse Ambeno (RAEOA) e Zonas Especiais de Economia Social de Mercado (ZEESM), iha Inagurasaun Projeitu Programa PNDS Aumenta Sala Foun Eskola, iha Aldeia Fatu-bijae, Suku Bobocasse, Pante-Macassar-Oé-cusse (22/04/2015).

Prezidente Autoridade RAEOA e ZEESM Mari Alkatiri, fo parabens ba komunitade Suku 8 husi Postu Administrativu Pante-Macassar ne’ebe mai partisipa iha inaugurasaun ne’e, tanba bele hatudu katak komunitade sira komprende duni programa PNDS ninia hakarak, no sira partisipa duni iha prosesu tomak programa ninia, atu nune’e mesmu ho subsidiu Suku ne’ebé ki’ik, komunitade sira utiliza duni rekursu ida ne’e hodi dezenvolve sira nia suku. Virgilio Dedeus, hanesan Xefe Suku Bobocasse hanesan mós representa Xefe Suku tomak husi Postu Administrativu Pante-Macassar, iha ninia diskursu apresia tebes programa PNDS, tanba iha programa ida ne’e hatudu katak governu hakbesik dau-daun ona hodi rezolve problema dezenvolvimentu ne’ebé komunitade sira enfrenta iha baze. Iha oportunidade ne’e lider komunitáriu husi Postu Administrativu Pante-Macassar hato’o mós agradecimentu ba V Governu konstitusional ne’ebé lidera husi Eis-Primeiru Ministru/Actual Ministru do Planeamento e Investimento Estratégico Exelénsia Kay Rala Xanana Gusmão, ne’ebé hamosu ona política governu hodi implementa Programa Nasionál Dezenvolvimentu Suku (PNDS), no sujere ba VI Governu hodi mantein nafatin programa nasional ida ne’e tanba responde duni komunitade ninia ejijénsia iha Suku no Aldeia.



ST-PNDS Hala’o Workshop Jéneru Iha Implementasaun Programa PNDS

Iha liron sesta, 24 Abril, Sekretariadu Tékniku Programa Nasionál Dezenvolvimentu Suku (ST-PNDS) hala’o workshop kona-ba Jéneru, objetivu husi workshop ne’e mak atu finaliza planu asaun no estratéjia envolvimentu jéneru iha implementasaun programa PNDS iha territóriu.

Diretora Operasional Programa PNDS, Dulce Guterres Junior iha nia diskursu hatete katak : “Workshop nee hala’o ho objetivu atu hare hikas atividade hotu ne’ebé la’o ona durante ne’e liu-liu partisipasaun no envolvimentu maluk feto sira iha implementasaun programa PNDS, rezultadu ne’ebé hetan iha workshop ne’e sei sai hanesan referénsia ida hodi finaliza planu asaun no estratéjia jéneru ba tinan 2015”.

Iha parte seluk Enkarregadu Diretór Diresaun Nasionál Dezenvolvimentu Polítika ba Jéneru husi Sekretáriu de Estado para o Apoio e Promoção Socio-Económica da Mulher, Herminio Xavier ne’ebé partisipa iha workshop nee orgullu ba programa PNDS tanba iha programa ne’e fo importánsia tebes ba envolvimentu maluk feto sira, liuliu iha parte kapasitasaun ba feto sira hodi envolve ativu iha prosesu Dezenvolvimentu nasaun.

Dezenvolvimentu nasaun ida ne’e atu ba oin la’os deit responsabilidade ema ida deit, maibé responsabilidade ita hotu-hotu ninia. Iha programa PNDS hanesan programa komunitáriu ida ne’ebé fo oportunidade ba ema hotu atu kontribui hodi involve iha prosesu dezenvolvimentu nasaun ninia.